

Հարձակվում էին պտուղ չբերող ծառի վրա: Մեկը կացնով սպանում՝ մյուսն արգելում էր, խոստանալով, որ ծառը հաջորդ տարի պտուղ կտա: Այս խոստումը, իհարկե, տրվում էր ծառի կողմից, իբր թե ծառն ինքն է խոսում, և նպատակ ուներ իրոք նրա պտղաբերությունն արժարժելու: Զատիկը մոտենում էր... նաև պտուղ չբերող ծառի պտղաբերությունը պիտի հարուստուն անենք, վերականգնվենք:

Այդ օրը ոչխարներին և գառներին դադում էին՝ նշան էին դնում:

գ. Ավագ հինգշաբթի: Նրանք, ովքեր մտադիր էին սրբություն առնելու, այդ օրը միաժամ էին լինում: Աղջիկները գնում էին աղբյուրների մոտ, նոր ծլած կանաչ տէխծր հավաքում, փունջերը եկեղեցու սեղանի առջև պահում, պտորաֆավ ընքմ, բերում էին տուն և հացով ուտում. անշուշտ նրա համար, որ այդ նոր բուսած կանաչու զորությունն իրենց անցնի:

Երեկոյան վօնդրվա՝ ոտնլվա էր: Քահանաները բաժանում էին ժամվորներին աջ ձեռքները վանալուց հետո օրհնված յուղը: Սովորաբար ոչ ոք չէր սպասում իր հերթին, այլ վրա էին թափվում, իրարից խլում յուղը, քսում աչքերին, ճակատին, տանում տուն և ձգում կարասի կամ խնօցու մեջ, որ կարգն առատ լինի, կամ քսում էին կովի ծծերին, որ առատ կաթ տա:

Գիշերը՝ սգի գիշեր էր: Եկեղեցում, երբ մոմերը հանգցնում էին, կարգում էին Մայրամ Աստվածածնի գրդակը՝ կտակը, ողբը իր որդու մահվան վրա և Հովհաննես Մկրտչի մխիթարական խոսքերը: Շատերը նոր մեռածների գերեզմանների վրա մոմ էին վառում:

դ. Ուրբաթ օր: Ի նշան սգո այդ օրը երեսները չէին լվանում և եկեղեցում ծոնկ չէին դնում: Օրփրթարու էին շինում: Այսպես՝ դամբարանը՝ դարբինը պողպատից շինում էր փոքր շախմախ, որը երեխայի աջ ուսի վրա էին կարում: Գուլնզգույն թելեր, կամ կտորներ էին տանում եկեղեցի, օրհնել տալիս, բերում տուն և երեխաների մեջքին, շուխայի կամ արխալուղի վրա, թելերով էլուզանման նախշակարում, իսկ կտորներով՝ խաչ կարում, ասեղը գոնե յոթ անգամ անցկացնելով շորի միջով: Թե՛ շախմախը, թե՛ այդ նախշերը և թե՛ խաչը պիտի երեխային պաշտպանեին կայծակից: Դարբիններին պողպատե մատանիներ էին պատվիրում աղջիկների համար, որ ֆիշերը՝ գիշերը չկոխվէն, այսինքն՝ գիշերն արյան կանգնելուց չքրտնեն, լեզուները չկտրվի, շունչը չարգելի՝ չնէղանան: Հարթնացուն՝ նշանած աղջիկը գուլն-գուլն թելերով նախշում էր ձուն և ուղարկում պատրոնանց տուն, որ պատան՝ պատից կախ տան՝ տունը շար աչքից պաշտպանելու համար:

ե. Շաբաթ օր: Շատերը միաժամ էին մնում: Թաթախման ընթրիքին անպատճառ պիտի լինեն ներկած ձու և ձուկ, իսկ վերջը պիտի ուտեին քանավ՝ թանով սպաս, որն այդ օրվա համար ավելի թանձր էր պատրաստվում և հատկապես կոչվում էր աղօպան:

Զատիկ: Դա բնության արթնացման, հարուստյան օրն էր: Սովորաբար հասարակական մատաղ էին անում, որը Գորիսում և այլ գյուղերում անհատականի էր վերածվել: Այդ օրվա մատաղը ախար էր կոչվում: Մատաղի արյան մեջ թաթախում էին բոլնու մի հաստ ճյուղ, վրան հյուսած բարակ ճյուղերով և տանում տնկում արտում կամ այգում՝ շար աչքից պաշտպանելու համար: Հնում մատաղի արյունը քսում էին եկեղեցու պատին<sup>46</sup>, բայց այդ սո-

<sup>46</sup> Լալայեան Ե., Սիսիան, էջ 156: